

何謂基督教

WHAT IS CHRISTIANITY?

BY

George Sherwood Eddy

A RETRANSLATION

EDITED BY

Y. K. Woo

Price: 6 cents per copy postpaid

PUBLISHED BY THE

ASSOCIATION PRESS OF CHINA

THE PUBLICATION DEPARTMENT OF THE
NATIONAL COMMITTEE OF THE YOUNG MEN'S
CHRISTIAN ASSOCIATIONS OF CHINA

SHANGHAI

First Edition

1918

何謂基督教

弁言

基督教三字。吾人聞之熟矣。然其真體。其功用。或不免於隔膜。於是有略襲皮手。妄論是非者。亦有霧裏看花。茫無定見者。欲以詢諸個中人。則各人之經驗不同。言人人殊。欲以考諸經籍。則各卷皆有特點。莫衷一是。而基督教之真精神真價值。遂不爲一般人所共喻。詎非宗教界之遺憾歟。美國艾迪博士。對於基督教研究之工夫既深。社會上之經驗尤富。蒞華佈道。已非一次。於吾國人之心理。真能洞如觀火。因本其救世之苦心。發揮基督教之精蘊。理順義正。語語警闢。而有實力。足以破人舊時之誤解。與泛泛之道德論。不可同日而語。讀此一過。基督教之犖犖大端。已瞭如指掌。而於細端末節。縱有未盡了解。亦以俟諸異日可也。蓋探本溯源。於此已得其要領矣。譯述既竟。竊願與國內有志求道之士共參之。

民國七年二月吳縣胡如毅識

目錄

弁言

緒論

第一章 人與上帝之關係

唯物主義之失敗

上帝之必有

第二章 人與人之關係以確立品德爲必要

基督教與個人之關係

基督教與家庭之關係

基督教與國家之關係

基督教與大同主義

第三章 基督教是否爲救人救國之世界的能力

基督教爲普遍世界之宗教

基督教中之神感

何謂基督教

緒論

現代之哲學宗教派別。至繁且多。吾人將如何而可以辨別其若者爲眞。若者爲僞乎。將如何而可以辨別其若者可以救個人。若者可以救民族乎。則須注意於下述之三點。第一、其理論須通達而有理。足以滿足吾人智力上之推想者。第二、須涵蓄道德。不違反吾人之良知者。第三、必爲一種實在之勢力。足以加強吾人之意志者。換言之。卽必須能充分發達及滿足吾人之完全人格者也。但此猶以爲未足。其理論尤必須對於吾人各方之關係。一一予以解決之方。故（一）必須能解決社會問題也。以中國人民現方苦於荒年水災疾疫刀兵。故社會問題之解決。實爲急務。又必須能激發愛國精神也。庶幾可以臻國家於強盛之域。（二）必須有永久性與普遍性也。蓋以吾人所欲求之宗教。非限於一民族及一時期之宗教也。（三）必須能完全解決吾人入世之眞意義。俾吾人發育至於應到之

極高限度是也。質言之。即必須能顯示吾人。宇宙之間是否有一全能之上帝在。如其有之。吾人將如何可以與之親交是也。世果有一宗教。能解決此三大問題。則他日之能救中國與其人民者。必此宗教無疑也。今請論基督教是否能應合上述各項之試驗標準乎。

何謂基督教。基督教者。乃一種宗教。人類從此可以依賴基督之能力而認識上帝爲父。地球人類皆爲兄弟者也。基督教並不推翻往古聖賢人之教訓。不過實現人類最高之熱望耳。其崇拜耶穌爲人類最高之模範。延納上帝爲其心中之主宰。犧牲一切爲人類服務。皆所以發達人生之真我者也。其所競求者。則爲上帝之國式臨乎世。人類有良善之組織是耳。故基督教者。乃爲敬一的靈體的。倫理的有力的及社會的之宗教。可以增高國家及人民之地位者。其能力之大。陳義之高。已彌漫乎全球。非教訓。乃生命。非理想。乃能力。非空談。乃實行也。其要旨有三。(一)即爲矯正吾人與上帝之關係。(二)使人確立良善之品德。與人相

交以道。(二)使人從基督而獲得之一種能力。藉以救己救國。以暨全體人類。

第一章 人與上帝之關係

今請先論上帝之存在問題及品性問題。基督在世時。本其經驗所得。屢屢言及上帝者。乃吾人在天之父。爲一切存在之本。宇宙萬物。悉由所創。上帝者完全之智也。愛也。力也。其撫愛吾人。不啻慈父之愛其子。上帝爲靈體。不爲時間及地位所限止。無所不在。無所不知。上帝亦光明。亦聖潔。亦正義。故命此蒸民。生活於光明聖潔及正義之中。上帝者愛也。雖最微賤最卑下之人。亦愛之過於慈父。無古今無中西一也。

惟物主義之失敗。宇宙間有一真實上帝之存在。歷爲世界各國之先哲及宗教所公認。故所謂唯物主義者。早已成爲西方過去之哲學。以其不能滿足個人或民族之熱望也。夫唯物主義者。旣非物理動力性命精神之根源。試問其果爲合理而可以滿足吾人智力上之推想否乎。唯物主義稱人之死去。與犬之死去。

無異。生命者。無永遠之價值者也。吾人父母妻子之生命。乃如飄風遊絲之無定。爲空氣中病菌及偶然之不測所操縱。人死以後。又永永不能再相遇見。此種理論。問之內心。安乎否乎。又唯物主義否認道德制裁之統治權。其最後爲破壞。如哈佛大學教授雅谷所述者。按諸天良。是否合乎。又唯物主義以人生爲絕望。徒供天然運命之芻狗。如大哲學家斯賓諾前所謂『人生之力。極端爲外界事物之力所控制。』然則唯物主義。果能滿足人之意志也否乎。從知唯物主義不能發達及滿足吾人之種種才性。其歸失敗也宜矣。

卽以社會問題言。唯物主義。亦一無解決之方。以唯物主義。乃欲人至於自私自利之途。非教人爲社會服務。爲民族犧牲也。故彼不能有養成道德之根基。彼既不能證實天地間有一上帝在。亦不能辭而闕之。致使吾人對於一切存在之本源。無所適從。諸民族之根據。唯物主義以自豪者。無不歸於失敗。但曠觀今日之少年。常有一種趨勢。卽破除種種古來之迷信及保守性質。並一切宗教。亦皆拋

棄無遺。曩之檢防。蕩焉無存。尊長敬先之心。化爲烏有。惜乎若輩未一談法蘭西歷史也。法蘭西自大革命以後。全國人民。張脈僨興。皆不知宗教爲何物。國本搖動。人心好亂。達百年之久。然最後仍不得不翻然以宗教道德爲其立國之根本。今日中國。正當以前車爲鑒。蓋唯物主義者。乃西方過去之一派哲學。中國人幸毋以腐朽爲神奇。糟粕爲精華。譬之購器。當購其最新而遺其陳舊。否則飲鴆自甘。徒自苦耳。

英國科學大家烏立佛洛沸曰。今日科學之趨勢。毫無有推翻宗教之意。科學家曠觀造化之無窮。宇宙之廣大。適足以增進其宗教之觀念。蓋巍巍大地。芸芸衆生。綱紀而統維之者。必有一高出萬民之主宰。在此惟一主宰。能力無窮。愛播萬類。求之者必予以助力。禱之者必錫以幸福。故予深信惟一全能之主宰。實爲萬物之根本命脈也。又他著名科學家喬治巴爾傑氏云。雖今日第一流之科學大家。亦不敢本其科學的理想。公然駁斥基督教靈的理論爲非是。倍根有言。學之

膚淺者。常誤入唯物主義。深造者則反富於宗教觀念。其言良有以也。

上帝之必有。天地之間。果有上帝在。吾果何從而覺悟之乎。則以有其下之三大原因。(甲)吾人曠觀造化之無窮。於自然之覺悟中。不得不承認有一上帝在。析其分因有四。(一)造化之必需一解說也。夫宇宙如此其大。萬物如此其衆。人心之結構。物理之錯綜。乃至一切自然現象。又何等整齊。何等美麗。何等神奇。此必有主宰之者。綱紀之者。更必有創造之者。其主宰綱紀及創造之者。巍巍蕩蕩。吾無以名之。曰上帝而已。說者謂天地者自然而成者也。執此說也。實絕對不可通。蓋天地之不能自然而成。猶之新聞紙之不能自然而成。新聞紙者用以交通吾人之思想者也。問其何以臻此效率。則以有人創此思想。更有人將此載思想之文字排印成版。遂得以印爲文字。行之於世。而天地之創造。亦與此將毋同。夫天地萬物。秩然整列。其功用豈不較新聞紙爲大。其工程豈不較新聞紙爲神奇。而謂其間無有一造之者在。豈通論哉。(二)觀於宇宙之秩序之統一之計畫之

主意更不得不需一解說也。試觀世界之進化。雖極遲滯。然其進程序。固一致的。而非雜亂的也。固秩序的。而非混沌的也。故其間必當有惟一之主宰。於冥冥之中。操縱而維繫之。否則亦焉能致此哉。（三）鑒於自然道德之存在。良知中亦覺悟一解說之必要也。夫何謂道德。道德者即自然之法律也。既有自然之法律。則必有一自然之立法家。此立法家誰何。即上帝是也。昔者哲學家康德氏仰觀天象之整列。俯察人心之相同。不覺有動於中。謂欲解說此中奧曲。非謂有上帝之存在。不可得也。（四）吾人思想之中。自然有宗教之觀念。何以有此觀念。亦不得不需一解說也。故欲解決造化問題。不得不藉宗教。欲解決宗教問題。則不得不推尊上帝。此自然之理也。宗教者普徧世界之一種事實也。天下無無宗教之種族。雖宗教有文野之分。而其為宗教則一也。故宗教者。自然如人之呼吸。普徧各人之良知。縱有人不信宗教。亦適足證其為違反良知之舉。決非其良知之本意。猶之罪人作惡。亦為違反良知之舉。而決不能指為良知不存在之佐證也。

故凡頭腦清醒而不雜意氣之人。稍一沈思。則未有不覺悟造化之奇特。謂其間必有全能之上帝。爲之主宰一切也。美總統威爾遜有言。宗教者乃改造人類之一種勢力。風俗法律社會國家道德及人生最高之造詣。莫非爲彼所創造。世界進化。實利賴之。故無宗教卽無進化。無進化卽無人類矣。彼明達之士。皆承認宇宙間確有上帝。且以此爲一切問題之解決。非無因也。

(乙)吾人所需要及祈求之上帝。耶穌基督已完全啓示於吾人。則上帝之存在實爲不可掩之事實也。間嘗考察耶穌在世所施教訓。所顯行爲。所得覺悟。無不以上帝爲其惟一之歸納。其生活行動。莫非倚伏於上帝之中。且爲上帝而有其人格者也。上帝之愛。環集乎其身。猶之日光之照耀大千世界。上帝之意旨。貫徹乎其心。使能堅強有力。故耶穌訓人曰。人類者非僅爲物質之分子。卑微之動物。乃上帝之愛子也。其言何等高尚而深切有味哉。故吾人如以耶穌之教訓細爲研究。則自然可以覺悟上帝之存在也。

(丙)吾人所需要及耶穌所顯示之上帝。可以本吾人經驗而知之。而得之也。大凡世界之真理。可本自己良知及相傳成說而知之。如自己所見。適與古今中外之人相同。則顯見其中有一真理焉。否則何能人同此心。心同此理哉。東西各國歷來之大聖大賢。其心中無不覺有上帝之存在。二千年前猶太人即知有上帝。三千年前印度宗教亦已能認識上帝。而基督教於一千九百餘年中之事蹟。亦不過重行徵實上帝之存在而已。其他各文明國典籍之徵實上帝者。亦屢見不一見。華盛頓有言曰。宗教與道德。實爲政治開明之最要根基。舍是二者而欲救國。是不揣其本而齊其末也。蓋理論與經驗。皆不容有宗教之不存在。而可以得立國之道德者。矧夫共合政體以道德爲必要者乎。吾知上帝預設宗教。殆將欲其顯示作用。使國家獲得最高幸福也。威爾遜有言曰。神意者萬事之根基也。此種信仰。余以十四年之功。體驗而得。竊願介紹之於人人。誠知社會國家之進步。胥以聖經爲其後盾也。

日本於維新之初。醉心法蘭西教育。崇拜唯物主義。遺棄宗教而不顧。但其最大之領袖人物。未幾即慨然以爲大誤。足以爲大禍而有餘也。東京市長阪谷芳郎子爵。於某日演說曰。日本今在轉機時代矣。全國教育家皆已揭開面具。願致力於宗教事業矣。五十年來。日本思欲拋棄宗教。以改良其社會與教育。今則失敗之機已著。仍不得不借助於宗教也云云。故如中國而亦崇奉唯物主義也。則殷鑒具在。不難取以爲鏡。誠以唯物主義將產生不道德之行爲也。孟子不云乎。順天者存。逆天者亡。斯言至可玩味。抑上帝者非高不可即。吾人如誠以求之。則上帝未有不樂與之相親者。但上帝非可辨論而得之。惟虛懷服從者。乃能獲覩上帝。觀於他人已有接近上帝者。即知吾人接近上帝亦屬可能。著者嘗研究近世大科學家十二人之生平。其中除一人外。無不信仰上帝爲其慈父。矧在吾人。宜如何敬奉虔事之乎。不敬上帝。其罪實較違背五倫爲尤大。自來以不認上帝爲父。致演傾家亡國之慘劇者。何可勝數。吾人當引爲炯戒。耶穌云。我主上帝。乃惟

一之神也。汝當全心全神全力以愛之。吾人其毋忘此言歟。

二 人與人之關係。以確立良善之品德爲必要。

基督教之上帝觀念。既如上述。今試進究其人生觀念及道德觀念。夫耶穌基督對於吾人之立身與待人二事。果有何種訓教乎。試讀馬太福音第五章。其言曰。虛心者福。以天國乃其國也。悲傷者福。以其將得慰也。溫良者福。以其將得土也。饑渴慕義者福。以其將得飽也。矜恤者福。以其將見矜恤也。清心者福。以其將見上帝也。和平者福。以其將稱爲上帝子也。爲義受害者福。因天國乃其國也。又云。汝爲世之鹽。又爲世之光。爾之光當普照人人。俾彼等知汝之善工。以榮耀歸與天父。又云。予之來非爲破壞。乃爲成全。繼又申五誠以爲世人告。其大意曰。汝不當有怒心。當恭敬人。不當犯奸淫。當清潔。汝之心思容貌。不當虛僞。當心口誠實。不當有復仇心。當慈悲。不當有憤恨心。當有愛心。又益以一語云。汝當完全。如天父之完全然。凡此諸言。誠足稱爲道德之完善標準。耶穌此種教訓。一方面欲人

尊重一己。建立其道德。一方面又說明吾人對人之關係。謂當爲家庭爲國家爲人類而犧牲。以完成其品德。故基督之道德標準。實爲最完全之道德標準也。

吾人如讀耶穌傳記。當可知其人格之完全。足爲人人之模範者也。其德性有最要之成分三。彼有能力。足以對付敵人及駕馭物理與人類。其受釘之手。能使列國易其視聽。能使歷史轉其潮流。其品格純粹無疵。雖敵之者亦不能有所指摘。彼以悔改警覺世人。而已則無罪可悔也。彼徵實吾人有罪。而又肯犧牲自己。以救世人。脫出於罪惡之外。

耶穌又不僅清潔而有能力也。其愛人之心。非常肫摯。故生平惟求加惠於人。醫病也。訓衆也。撫慰幼兒也。憐助貧弱也。夜以繼日。惟恐不足。至於仇敵。亦一視同仁。雖其敵釘之於十字架上。流血垂死。尙爲祈求上帝曰。天父乎。饒恕彼等之罪。以彼等實懵無所知也。此非吾人道德上極好之模範乎。

耶穌之言曰。我之入世。非爲破壞。乃爲成全。從知古昔聖賢之教訓。基督教決不

稍有所破壞。釋迦牟尼之教訓。殊有大益於印度及亞細亞者也。穆哈默德。改良阿拉伯風俗。至爲有功者也。孔子之教。則影響及於全中國之個人社會政治。至偉且大。三者之教訓之真理。固未嘗以基督教之故而歸消滅也。猶之大學教育。固未嘗將學生在中小學校所受之教育。一一駁斥而推翻之。不過將中小學校中之教育。擴充而應用之耳。基督教之入世。亦猶是也。將欲舉已往現在將來最高之真理。予以成全。以求個人家庭國家人類之實益。是甯非人類最高之熱望乎。然惟基督教爲能滿足而成全之。

吾人如欲研究信奉基督教之國之風俗人情。不可不有二種眼光。一卽基督之善範與教訓。一卽至今仍在之異教習慣。夫基督教譬諸酵母。實蘊有一種奇特之能力。故凡信仰基督教之國。無不獲有多少之利益。或者仍不免有過失。則以其徒襲基督教之皮毛。不採基督教之精神。甚者其野蠻習慣。鄙悖風氣。仍保守而勿肯失。流弊所至。自有不能使人滿意者。吾人誠就大體觀察。則基督教於世

界各國。實爲助其進步之原動力。決不能因一部分人之缺失而遽加排斥。因彼一部分人所顯映之現狀。乃雜以民族原有之色彩。非基督教之真相也。今中國之所需要者。乃在列國最善之道德。而非其惡習也。其所當研究者。乃基督教而非列國也。

(一) 基督教與個人 基督教乃發達個人之最美德行者也。各宗教中。首先覺悟個人之價值。人格之高貴。及靈魂之重要者。卽爲基督教。大著述家俾傑明克特。Benjamin Kidd 謂二百年來。人類之進步。基督教個人價值及人皆同胞之一理。實其動機也。蓋基督教法。乃鍼對乎全人者。故以造成健全之體智德教人。欲人於此有真確之發達。而得充分之滿意。同時仍予人以自由及創作力。此實爲世界進化之大本。當基督未入世以前。個人者乃分數也。非單位也。彼對於家族社會國家。無所謂權利。不能顯其獨立之精神。基督乃教人以先立己之道。繼則使知爲家爲國爲人類服務。而一以個人爲其中堅。

(二)基督教與家庭。基督入世。非爲破壞家庭。乃爲家庭造成至大之幸福。故於家庭已往之歷史。無不重視之。對於祖先及本族之往哲先賢。尤深致其恭敬。其爲家庭幸福所植之第一根基。卽爲敬愛父母。基督教十誡之一曰。恭敬汝之父母。汝乃可久存於上帝所錫之土。亦專爲家庭而發者也。其爲家庭所植之第二根基。卽婚姻契約之神聖。女權之尊重及高舉。及嬰兒之寶貴也。於夫婦問題。基督主張一妻主義。以是爲家庭安樂之唯一保障。又禁止離婚納妾及賣淫等事。故凡遵奉其教訓。身體而力行之者。必獲美滿家庭之結果。而敬祖尊先。有不能期致而致者。雖然。尊敬之者。當務其實。與其拘守祖先之舊規。如鸚鵡之學言。莫敢改易。瞠乎落世界進步之後。毋寧力爭上游。利用自己較大之智識。及較可有爲之時機。以完先人未竟之業。與未竟之志。蓋思想與事業之進步。決非辱祖先辱父母者。孝子順孫。當知所去取也。

基督論人與上帝之關係。其最高之思想。不外稱上帝爲『天父』。卽含有神聖家

庭之意義。則以家庭爲世間最高最聖之一物。可知矣。試觀中國及世界。基督教設立之病院與學校。每有子孫爲紀念其祖先。而捐資經營者。是卽基督教重家族敬祖宗之明證也。基督教又教人尊禮長上。使人類彼此之關係。皆能相繼以愛。非破除一切階級可比。洵可謂修明五倫。造福家庭者矣。基督教之詔人曰。爾當崇拜上帝。戴爲吾人之創造主與天父。又當爲敬祖先而赤心事奉之。其言可深長思也。

(三)基督教與國家 人類智識。漸次進化而擴充。野蠻之世。愛一身而已。繼乃及於家庭。繼乃及於國家。繼乃及於種類。而以後者爲極。則人知徒愛其家而不及其國。則其國未有不遭破滅者。今之爲民上而自私自利者。但知充其私囊。富其家庭。賄賂公行。廉恥道喪。甯犧牲國家。毋損吾私利。故皆擁資鉅萬。人民之疾苦不問焉。若而人者。徒知愛其家而不知愛其國。國家之生機。爲所蹂躪者實甚。中國某大政治家有言曰。中國學生所需要者有三事。(一)自治力。(二)忠於一

家並忠於一國。(二)爲他人謀福利。服務國家。而犧牲自己。誠卓識之言也。愛國二字之在中國。乃一新名詞。其來也實自西方。爲基督教之教義所產出。蓋耶穌基督。乃一眞能愛國之人也。彼非特愛自己之國。且愛全世界之人類。教義之廣大。彌淪六合。而各國之宗教自由與愛國心之潮流。乃一一由福音中相繼發育。法儒孟德斯鳩有言曰。『凡誠意信奉基督教之人。未有不覺悟人生之各種本分而措之於實行者。其實行之也愈力。其愛國心亦愈增。良以基督教之教義。苟深入乎人心。其感動力之偉大。較之君主國之以賞賚動人。民主國之以名譽策人。專制國之以刑威逼人。其效尤神。』蓋基督教不僅予人以愛國之理想。且予人以愛國之實驗。不僅予人以愛國之教訓。且予人以愛國之能力及主意。故其國已得基督教之自由及愛國主義至何程度者。則其國之尊榮財產教育能力。亦將發育至何程度。各國歷史具在。不難按而考也。但吾人須知基督教者。非外國教也。非西方產物也。實始自東方。耶穌基督者。亞洲人之子也。故基督教

實亞洲人所自有。雖然各國誠有可取之德。可傳之道。基督教終未嘗排斥而委棄之。不過加以培植。使之發榮滋長。至於至善之程度耳。故基督教者。乃中國最需要之宗教也。凡誠意信奉基督教之國。無不蒸蒸日上。有卓特之進步。誠以基督教義。無非教人尊重法律。忠愛國家耳。

(四)基督教與大同主義 基督教之人。修己愛家愛國。充其極則。則爲普愛人類。而爲之服務。不沾沾限於一家一國。或一種族也。故其惟一之目的。卽爲大同主義。人但知愛其一家或愛其一國。其量尙爲未廣。仍不免有隔膜仇恨之弊竇。惟基督教則不然。其能力所至。足以解決萬國問題而有餘。故基督教雖發基於一隅。其所遣教士所設醫院學校。則徧於寰球。自有基督教以來。全球各民族。相與攜手。更無能自處於孤獨之地位者。此豈非基督教之大同主義。有以使之然哉。今者世界大通。電氣蒸汽之交通機關發達已極。閉關自守。已爲不可能之事。倘仍自私自利。不以大同主義爲前提。則流血戰爭之禍。將相尋而靡有已時。欲

救此弊。惟有基督教之博愛主義。世人誠爲此主義所激盪。則聯合萬國爲一家。播正義及平和之福音於世上。庶其可矣。

由此觀之。則基督教者。不獨能保守一國之舊道德。且能錫予吾人以新能力。以策將來之進步。夫保守與進取之二種精神。國家之所同需也。中國固以富於保守精神著稱。今所需要者。惟進取之精神而已。基督教則能融洽二者。貫以新生命。使能應合今日時勢之需要。是非中國所亟宜求得者乎。夫中國文明。在千年前已極隆盛。當時歐洲諸國。皆在野蠻狀態。繼此以後。彼則日進而我則日退。至於今日歐洲諸國之文明。遠在我國之上。此何故耶。則以歐洲得有基督教進取之精神故也。則中國又烏可不急起以謀得基督教所能予吾之能力哉。

三 基督教是否爲救人救國之世界的能力

欲觀宗教之良惡。觀於其效果可知已。今試放眼以觀基督教在社會間之服務。有何等之能力。基督之在拿撒勒也。常以社會服務之五綱。標示於世。(一)宣傳

福音於蠻人。(二)爲奴者得脫奴籍。(三)啓蒙昧以光明。(四)病者治之。困苦無告者濟助之。(五)罪人予以救贖。此卽基督教拯拔社會之德也。

(一)凡基督教福音所及之地。貧弱者感受厚惠。無論何國。苟本基督教經以行事。饑饉之災。必爲絕迹。且也教之所被。教育卽出其中。民智啓而財源裕。國力未有不蒸蒸日上者。

(二)世界奴隸之釋放。爲歷史上最重要之事實。然其動機實始自基督。英之惠爾勃福。美之林肯。皆以放奴事業稱於世。問其何以爲此。則皆受基督教之感動。故也。當耶穌在世之時。世界蓄奴之風正盛。雅典人口四分之三。羅馬人口五分之三。皆奴隸籍。耶穌則以人類平等之旨大聲疾呼。卒使奴制根本剷除。今基督教入中國。中國之爲奴者盡得釋放。其必至之結果。凡中國之奴隸及苦力等人。其地位必因而提高也。

(三)基督教又爲善啓愚蒙者。凡福音所至。卽徧設學校。使一方之人。咸被教育。

夫普及教育一事。在基督以前。無有知之者。更無人至非洲。譯柏拉圖、亞利士多德、莎士比亞諸賢之遺集。以啓迪非人。自基督教昌。基督教信徒之赴非洲者。數以千計。因欲譯基督之教訓。教導非人。至於以身殉之者。數以百計。卒譯成非文之聖經。計不下二百種。現在行世之基督教聖經。共分五百種文字。讀其書者。五萬萬人而強。卽以亞洲論。基督徒所設學校。已有三萬處。學生共有一百五十萬人。而基督教政府所培植之學生。則有八百萬人。今日中國所最需要者。卽爲普及教育之實行。惟基督教能之。

(四) 基督又以醫治疾病。扶助顛連爲職志者也。故基督徒所設醫院。已達六百七十五處。病人受惠。豈可限量。大科學家如巴斯脫 *Pasteur* 傑納 *Jenners* 等人。研精醫理。講究科學。以戰勝疫癘與疾病。世界人類。咸受其賜。然若輩皆爲基督徒也。又如那汀格爾 *Florence Nightingale* 所創辦之紅十字會。救災恤鄰。矜寡助孤。亦無非本乎基督愛人之意也。

基督教又最尊重女權。方基督教未昌之前。女子生命。咸操於男子之手。女子者賤物耳。不能與男子同列。故任其愚魯無知。不予開通。多妻離婚納妾賣淫之風。盛行於時。益增女子之痛苦。基督至。則以尊重女權爲號召。俾得與男子等量而齊觀。於是有基督教家庭之組織。神聖婚姻之締結。今日女界之得以開通。女權之得以澎漲。無非基督教之功也。

基督之教。尤重嬰兒。方基督未入世之前。嬰兒柔弱。父母不知保育。死生聽之。貧乏之家。恆轉鬻其子。不以爲忍。衛生不講。夭折頻仍。童子無知。常陷邪慝。基督對此。力加矯正。會有童子至。門人止之。基督則抱置童子於懷。曰。『容之就余。勿加禁阻。因天國中。人正類此也。』今人咸知兒童之寶貴。善加保養。然非基督之力。奚克臻此乎。

(五) 基督救濟罪人者也。基督之道。有爲人除罪之能力。並能抬高野蠻人之地。使之漸次開通。以至於文化之境。如在森特區羣島 Sandwich Isles 之土人。

昔固人相食者。自福音傳播而後。駸駸乎入於文明之境矣。若夫本有教化之國。基督教亦不可缺者。蓋惟基督教能使有克勝罪惡之力也。須知哲理不能救人。基督教所尚者不在哲理。而在實力。故自來聖賢雖多。救主則惟一而已。夫道德學理。吾人所熟知習聞也。所缺者勝罪之能力耳。此個人與國家共同需要者。然古基督教外將安從得之。

基督教爲普遍世界之宗教。基督教猶之科學。能由漸進化。最初人惟有神感。故爲拜日月拜禽獸之蠻教。繼乃進化而爲多神教。萬有神教。至於一神教。則臻極則矣。人類之崇奉宗教也。其範圍亦漸次擴充。初則崇奉一家一族之宗教。繼則崇奉一國之宗教。至於崇奉全世界普遍之宗教。乃始臻至善矣。蓋真理惟一。最後必獲勝利。故道無東西。人人之道也。亦卽世界之道也。雖一時或有百出。將來必統於一尊。哲學然。科學然。宗教亦何獨不然。其僞者。虛者。偏狹者。必受天演之淘汰。不復能存在於世。然則何者爲最有進化力之宗教。可以滿足人人。而尊

及於全世界乎。基督教果能之乎。試以事實證之。

(一) 基督徒人數之日增也。在第一世紀之末。基督教徒僅得一百萬人。第二世紀之末。爲二百萬人。第三世紀爲五百萬人。第十世紀爲五千萬人。十五世紀爲一萬萬人。十七世紀爲一萬五千五百萬人。十八世紀爲二萬萬人。十九世紀爲五萬萬人。至一千九百十四年。則爲五萬七千一百萬人。其自十五世紀至十七世紀二百年之中。所增之基督徒人數。超過自第一世紀至十世紀之所增者。其在十八世紀所增之人數。則過前之十七個世紀所增者。十九世紀所增人數。則超過前十八個世紀之所增者。洵可驚也。

(二) 基督徒所管轄之人口。亦與時增加也。一世紀以前。世界人口三份之二。皆爲非基督徒所管轄。今則適與之相反。三份之二。爲基督徒所管轄。其不爲基督徒所管轄者。僅三份之一矣。

(三) 基督徒所佔之土地。亦與時俱進也。其在一千六百年。基督徒所佔之今世

界土地。僅及百份之七。餘百份之九十三。皆爲異教人所佔。洎至一千九百十四年。則基督徒所佔之土地。驟增至全世界土地百份之九十五。其爲異教徒所佔者。僅及百份之五矣。

(四)基督徒所受之教育。亦有日新月盛之象也。在信基督教之國。入學人民。佔全體人口百份之二十。換言之。卽全國入學年齡之兒童。無不在學校肄業也。其在亞細亞洲。入學之人。僅佔全體人口百份之一耳。而基督教所設之學校。又得其數之五分之四。

(五)基督教之財產。亦增進至不可限量也。按一千八百八十七年。柏林統計局之報告。全世界汽機之工作。足抵人力十億。卽三倍於現在世界工人全體之總數也。而汽機十份之九。則皆爲基督教國所有。至財產之分配。與此比例相同。蓋基督教者。可以促進一國之教育實業以及富庶自由等諸般幸福者也。

(六)基督教。已漸趨爲世界普通的宗教也。世界各國。初無不爲多神教人民所

佔有今則多神教之國。皆不能獨立存在矣。十九世紀。佛教徒猶統轄多國。今則多國舉失其獨立資格矣。回教勢力。嘗一時稱盛。今則已不行於歐。於非亦已失其政治上之勢力。凡有教育各國。回教皆無容足之地。曩日強盛之各種宗教。皆趨於式微時代矣。前此一國之立。必有國教。今則相率化爲基督教國者。達五十國。其間尙有國教之獨立國。僅存其二。二者之一。卽日本。今亦承認基督教爲其國有宗教之一。以期獲得其助力矣。從知有界限之國教主義。不適用於時勢。必歸敗亡。蓋人類對於宗教哲學科學道德。已漸次歸於一致。中國將與之並駕齊驅乎。抑將瞻前顧後。對此具絕大能力之世界宗教。漠然處之。坐失良好之時機於交臂之間乎。

基督教中之神感。要之基督教之最大功用。卽能予吾人一種神感。令與上帝相通是也。故凡基督徒與信從基督教之國民。無不隱有上帝之能力。以爲之後盾。然則基督教者。實爲最合宜於今日中國之宗教也。請平心考之。基督教者。開

人知識。合人理性。滿人心意。安人良知之宗教也。其道德高純而予人以慰安。其能力宏大而無忤乎意志。其所尚者。不在教訓而在能力。不在理想而在實行。不在教道而在生命。此甯非中國之所亟需乎。蓋基督教不獨能救個人。亦能救國家。救社會。並能援拔饑貧奴隸蒙昧疾病及罪惡等五種不幸之人。而提高其地位。從知歷史上信奉基督教之國。無不興盛。不信奉者無不衰敗。非無因矣。爲問基督教何能成此奇效乎。則在其能使人與上帝相通。蓋與上帝相通。乃可得正義。正義既得。乃有能力。經云。正義者永生。不正義者滅亡。中國今日危急極矣。凡愛國君子。宜如何發憤圖強。以爲自救地乎。請以三事相約。(一)當虛心平氣。研究四福音書。以求基督教訓之究竟。(二)禱告上帝。求其導引。(三)耶穌基督之行事及訓教。苟有見爲有當於心者。實力遵循之。是非決於一心。生死在此關頭。邦人君子。其慎所去取焉可。



WONTE CHINA UNION LANGUAGE
SCHOOL LIBRARY

民國七年二月初版



版權
所有

原著者 美國 艾迪

重譯者 青年協會書報部

校訂者 青年協會書報部

刊行者 中華基督教青年會 全國協會

發售者 青年協會書報部

上海崑山花園四號

何謂基督教一冊
定價大洋六分

24
444035

24
444035